



去歲重陽瘴海濱病拈霜藥嗅清晨身閒已斷思歸夢山好仍  
逢稱意人郊飯露葵欣旋摘夜窻風栗共嘗新妙年納子應相  
笑痴鈍耽源老應真

陳瑩中左思自丹邱欲家豫章至湓浦而止余自九峯往  
見之

雁蕩天台看得足却搬兒女寄蓬窻徑來漳水謀三頃偶愛廬  
山家九江名節逼真如醉白生涯領畧類鄉龐向來萬事都休  
理且聽樓鐘咽夜撞

與公靈鷲曾聽法遊戲人間知几生夏口甕中藏畫像孤山月  
下認歌聲翳消已覺花無蒂鑪畫今知珠自明遠壑夕陽殘雨  
後一翻飛絮滿江城

鞦韆

畫架雙裁翠絡偏佳人春戲小樓前飄揚血色裙拖地斷送玉  
容人上天花板潤沾紅杏雨綵繩斜掛祿楊烟下來閒處從容  
立疑是蟾宮謫降仙

謁靈源塔

高颿駕浪過南溟那料歸來掃此亭桃李成陰稱老大谿山好  
在鬢凋零瓦燈已照宮商石卵塔分藏服匿瓶春雪尚能知客  
意蕩除毛孔瘴烟腥

次韻宿清修寺

湘山也學廬山好落瀑聲飛繡谷風正欲來歸向兒說戲將收  
入拾詩中浪驚醉枕寒松響春滿寒鐺活火紅清景骨飛嗟未  
到故應未許夢魂通

次韻渡江有作

棄舟植杖首重回隔岸遙聞津鼓催淮上梅傳春信至江南山  
逐笑聲來行瞻瑞露籠雙闕更看神光發五臺王事幸陪方外  
樂為君點筆走風雷

二月大雨江漲晚晴

投老歸來楚水濱水清聊可濯衣塵拚心樂事都還汝入手清  
閒不與人尚有笑談消白晝更無情緒管青春暗驚少日王城  
外走馬爭先看寶津

題翠靄堂

虛簷碧瓦臨無地吐月吞風六月寒簾捲烟光搖戶牖雨餘嶽  
色墮闌干侍兒自炷真龍腦座客同分小鳳團誰謂太平本無  
象規模堪入畫圖看

次韻寧鄉道中

宋元詩集 卷五十九  
夾道傳呼部曲犇遙知秋色動吟魂黃柑綠橘平蕪路剝水殘  
山夕照林似鏡此心清自迥如雲往事去無痕鐘聲有寺藏烟  
翠忽見林間窈窕門

十五日立春

千年像教唐朝寺雪後新年晴復陰殘僧無事春又至遊客不  
來山自深長廊掃葉望空翠小閣卷經橫水流三生白業有言  
說一念淨心無古今

晚步歸西崦

庭除有路入深壑曳履備然獨往還布穀風光寒日近摘茶時  
節亂山間花枝重少人甘老燕子空忙春自閒歸晚斷橋逢野  
水更能揎手弄潺湲

晚秋溪行

熟路沿溪過小橋掃除秋晚淨迢迢幽尋忽見蘭芽茁小立仍  
逢柿葉飄撲揠水飛雙去鳥玲瓏山響一聲樵歸來半掩殘經  
在燕寢香凝碧未消

夏日偶書

碧縷橫斜試水沉紅腮甘冷嚼來禽含風廣殿聞棋響轉日迴  
廊暗柳陰強撚冰紈除睡色倦凭棊几適閒心攀翻浣衲黃塵  
事過眼雲踪不可尋

竹爐

搏山沈水覺塵埃旋斫凌雲綠玉材自拭錦綉含淚粉要銀  
葉返魂梅意消未掩黃庭卷火冷空餘白雪灰應把薰衣閉深  
閣流蘓想見畫屏開

石臺衣坐

故鄉乃有此叢林下板何妨著寂音永與世遺他日志尚嫌山  
淺暮年心凍雲未於僧窓曉折竹方知夜雪深琢句自應清似  
玉更宜坡字硬黃臨

秋日還廬山故人書因以為寄

風葉鳴廊夜色晴隔雲微月稍分明下簾徒怯衣裳簿拂榻空  
驚枕簟清病眼得秋還少睡壯心于世尚多情何時却作廬山  
去渡水穿雲取次行

送軫上人之匡山

何處高人雲路迷相逢忽薦目前机偶逢菜葉隨流水知有茅  
茨在翠微瑣碎夜談皆可聽烟霏秋嶺欲同歸俯然又向諸方  
去無數山供玉塵揮

送敏上人

殘林病葉強翻紅已舉清秋夜氣濃懶復小窓邀獨秀却應歸  
夢挂雙峰水分淮甸當縣席路遠匡山可振筇若見虎溪谿上  
月為言相憶作衰容

次韻超然竹陰秋夕

月脇雲行夜未深滿庭風露葉辭林知誰牆外干竿竹分我窓  
西一畝陰山好已無歸國夢老閒猶有讀書心剡題詩句酬幽  
隱歲月翩翩接翅禽

送宗上人歸南泉

燈外佳眠試冷齋欲成歸夢暗驚回一軒秋氣侵衣重半夜波  
聲拍枕來江國潮平人獨漉海山家在意徘徊倚簾明日秦淮  
上看子風帆十幅開

上元宿百文

宋元詩集 卷五十九 鈔本  
上元獨宿寒巖寺卧看篝燈暎薄紗夜久雪園啼殺頂夢回清  
月在梅花十分春瘦緣何事一掬歸心未到家却憶少年行樂  
處顛紅香霧噴京華

宿鹿苑書松上人房

冷齋托宿自携衾卧聽松風度栗林黃卷青燈紙窗下白灰紅  
火地爐深夢回清響卷巖溜夜久幽香噴水沈慣作橫刀眠下  
板為君令有住庵心

題草衣巖

鉏頭為枕草為氈曾與高人說任緣豈料大嫌沽世價未應虛  
費買山錢閒編木葉輕于紙細葺蘆花軟勝棉下板為君增壯  
觀可知千載得人傳

至筠

乞漿問路到筠溪天氣清和得所宜父老相逢班草坐風光初  
過採茶時摩挲禪榻營春睡想像齊厨辨晚炊白首不知邱壑  
改壁間來讀舊題詩

懷李道夫

半篙晚漲綠楊灣接翅鷗歸霧雨殘數疊吳山圓楚夢一翻花  
信釀春寒別時小語依然在隔歲來書展復看補袞胸中五色  
線只今應作怒蜺喙

效李白湘中體

夕江江搖魚尾紅何處扁舟開晚篷雁字初成春有信烟鬟空  
好雨無踪荒寒數尾橘洲岸領略半窓湘寺中浦口行人已爭  
渡林下歸僧欣一逢

題天王圓證大師房壁

閉戶不妨依聚落開軒隨分有山林殘經半掩世情斷好鳥一聲村意深籬外風筠森東玉屋頭霜摘欲垂金能營野飯羹紅醬渡水何辭數訪尋

題胥大夫欣欣堂

議郎和粹色無求繞屋江山秀氣浮弱柳貪眠禽喚起異花含笑草忘憂閉門不放青春返解榻長令佳客留摹寫高情無好句謾橫詩眼付冥搜

送海印奩老住東林

湘容嶽色中秋後古寺閒房小寢餘掃徑帚粘新落葉窻開風掩獨殘書吹雲又作他山去種漆何時伴我居洞上聞名猶在世未應容易與人除

宿芙蓉峰書方丈壁

赤髭病客烟瘴面漆瞳道人冰雪容俯鑑夜殘看落月不知足下有千峰

廬山雜興二首

幽花疎竹冷梢雲江北江南正小春但得青山常在眼不妨白髮暗隨人

白水連空不見冥冥細雨濕黃昏秋山咫尺無由到須信閑人不用門

秋晚

紫梨紅棗八九樹竹屋柴門三四家机杼聲遲秋日晚遶籬寒菊自開花

謝人惠蘆雁圖

道林烟雨久不到忽見橘洲蘆雁行笑裏筆端三昧力坐中移

我過瀟湘

湓江宿舟中

琵琶亭下孤舟宿夜靜風清水四圍蝴蝶夢中江月白蘆花鳴  
笛釣船歸

登鄧氏平遠樓望見小廬山作

倚欄天際數歸帆春在滄洲數筆間我與小樓俱是畫雨中猶  
復見廬山

衲子二十八人

真淨

辨雲庵善學顏平原書其手帖多名派題跋以為不減楊少師而南禪老人猶在其下也

寄無為居士

世俗事無盡養高心自閒蔬園通綠野林塢帶青山丹志添添

火雲庵懶著關別應修省術七十見朱顏

送張簽判遊開先

步入青松裏迢迢一徑通漸分華藏界深隱法王宮道與仙人  
別人非世俗同欲知西祖意庭柏老春風

留題紹公寂照軒

幽軒名寂照四海坐中間景物有遷色主人無異顏野泉澄檻  
外香靄起簷間涼夜誰相問寥寥月滿山

送人之南嶽

境幽南嶽寺路向碧巖分遠近松相接高低鐘共聞靈禽時奏  
樂香石日籠雲想到經行處超然趣不羣

仲殊

與蕪子瞻為方外友殊性嗜密而僧思聰嗜琴故蕪詩有云招得琴聰與密殊



潤州  
北固樓前一笛風斷雲飛出建章宮江為二月多芳草春在濛濛細雨中

淨端

字明表歸安丘氏子肄業吳山解空講院始見人弄獅子發明心要遂詣參翠峯月禪師得遊戲三昧云法孫比丘師皎刻其詩文一冊行世

答陸蒙老

枕上浮生過半百短髮毵毵霜捲白西溪河上舊家山歲歲故鄉歸似客船頭漸近古松門云是吳筠讀書宅烟雲半嶺望層樓鰲頂崢嶸藥宮窄有人挂衲歸盤院稜稜瘦骨真維摩几年面壁舌不動忽然拍手賡魚歌秋來滿船載明月俄驚雨笠仍烟蓑黃梅渡口水流急五湖深處任風波

惟悟

字仲晦與楊蟠公濟善蟠通判杭州往來多詩僧而永安天竺諸老皆一時名衲惜其詩不盡傳也

聞泉

澗泉吾所好山舍寂無喧春脈生雲底夜聲來枕前風休不動竹月起未啼猿石上鳴逾急冷然清夢魂

將訪永安東山禪師先寄

庵在千株松桂下無塵事到夫君高踪罕過呼猿澗靜思惟看抱石雲日暮登龕禽影集雪晴崖罅路刑分楊雄約我須投宿月裏禪餘怯論文

奉和楊公濟宿永安方丈呈東山禪歸

道安獨濟襄陽踵詩好慵窺雪畫評竹屋几間經几載草衣三事傲平生縱陪林下收孤跡難學人間走大名燈火已殘談未

倦曉風斜雨打窓聲

酬公濟早過天竺呈明智及同遊二老

曉過翻經臺下寺與君同謁祖師堂  
庭前紫桂葉頻脫石上紅  
梅花正香出洞陰雲開遠影籠  
寒日漏清光謝公勸飯須無讓  
讓不許非時薦茗湯

修睦

宿岳陽開元寺

竟日凭虛檻何當興嘆頻  
往來人自老今古月常新  
風逆沈魚唱松疎露鶴身  
無眠鐘又動几客在迷津

景雲

老僧

日照西山雪老僧門始開  
凍瓶黏柱礎宿火陷爐灰  
童子病歸

去鹿麋寒入來齋鐘知漸近  
枝鳥下生臺

子蘭

華嚴寺望樊川

萬木葉初紅人家樹色中  
疎鐘搖雨脚積水掃雲容  
雪積迴寒雁春燈促夜春  
舊山歸未得生計欲何從

契嵩

字仲靈有鐔  
津集行世

感遇二首

山中白玉京去去何縹緲  
瓊樓十二層瓊瓏汎雲表  
銀湍月為波萬頃即池沼  
秋來宮殿光逗落人間曉  
寒際時澄明烟霞眇  
青鳥可望不可到所思空杳杳

松柏地之靈草莽亦同茂  
願得區域中心復純素  
蒼梧會稽

宋元詩會 卷五十九 錢本  
陰纍纍見陵墓六合無知音青山有歸路人生惜朱顏賢哲長  
還顧昨夜露華臺誰不願秋暮

懷越中兼示山陰諸名士

厭見入境喧清游憶靈越東南千萬山浮青滿寥泝從來鑑中  
景形勝人間絕月湛換鵝溪雲起藏書穴客子若飄蓬俄與故  
人別尺素未及通芳草已云歇所悲行路難俛仰損名節鳴雁  
欲東飛寄語謝明月

早秋吟

山家昨夜房櫳冷梧桐一葉飄金井長天如水淨藏雲明月含  
輝變秋景桂枝花折風飄飄誰在高樓吹玉簫人見不見槎升  
漢天上將看鵲作橋年少征人在何處白露霑衣未歸去海畔  
今無漂母家江南誰與王孫遇

浙江晚望

暮色看無際秋空水混天片帆飛鳥外新月落潮邊隔月山刑  
小石吳地勢偏幾人來往者早晚渡頭船

題徑山寺

翠拔羣山外連天勢未休雲迷飛鳥道雨出濺龍湫僧在深雲  
定香和杏靄浮人間游不到臺殿自清秋

郎侍郎致仕

平時獨高謝道勝欲韜光白髮辭明主青山戀故鄉藥畦容鶴  
到吟徑恐雲藏更愛禪林卧時來拂石牀

汎若耶

越水乘春汎船窓掩又開好山沿岸去驟雨落花來榜影樵人  
渡歌聲浣女回滄浪無限意日暮更悠哉

山亭晚春

山亭晚來靜林石自嶢嶢去去吠人語花飛恣鳥銜晴烟薰茂  
草照日靄高山更喜團圓月清光下碧函

寄懷泐潭山月禪師

聞道安禪處松蘿杳隔溪清猿定中發幽鳥坐邊栖雲影朝暎  
別山峰遠近齊不知誰問法雪夜立江西

送客還道中作

北郭送之子日斜還舊居路泥侵曉潤月晦逼春餘桑柘雨中  
綠人烟闕外疎依然見風俗歸興混樵漁

入石壁山

身似浮雲歲不留塵中擾攘只宜休老來已習青蘿子隱去應  
追帛道猷直入亂山寧計路俄看落葉始知秋他時谷口人相

遇莫問裁詩謝五侯

酬揚公濟早過天竺呈明智及同遊二老

澗北夜依禪舍宿峯南今訪講師堂初行松路愛清晚及過石  
溪聞異香日氣暖烘諸壑淨晴嵐翠潑幾峰光道標尚客何高  
趣更飲吾曹栢葉湯

新歲連雨不止因寄公濟兼簡賢令強公

寒郊纔喜歲華新景物陰陰又一旬雲帶天低垂壓野雨藏春  
盡暗迷人寧隨燈火妨明月却歎詩家惜令辰陶令而今卧江  
國倚樓吟望更誰親

尚顏

夷陵即事

不難饒白髮相續是灘波避世嫌身晚思家乞夢多暑衣經雪

宋元詩會 卷五十九 鈔本  
著凍硯向陽呵豈意臨歧路還聞聖主過

志 詮

夕歸

落日寒蟬鳴獨歸林下寺松扉竟未掩片月隨行屐惟聞犬吠聲又入青蘿去

虛 中

贈栖禪上人

巖房高且靜住此幾寒暄鹿嗅安禪石猿啼乞食村朝陽生樹鏽古路透雲根獨 閒相覓淒涼碧洞門

清 尚

贈樊川長老

瘦顏諸骨現滿面雪毫垂坐石鳥疑死出門人謂癡照深潭入

楚浸影檜生隋太白曾經下清風涼四肢

希 晝

書惠崇師房

詩名在四方獨此寄閒房故城寒濤濶春城夜夢長禽聲沈遠水花影動回廊幾為分題客殷勤掃石牀

寄懷古

見說鵬陰僻人烟半雜叢秋聲邊日短風動曉笳長樹 分 孤壘河流出遠荒遙知林下客 苦夜禪忘

送嗣端東歸

遠念生泉石人中事欲銷卷衣城木落尋寺海山遙帆影迷寒雁經聲隱暮潮後期俱未定况我鬢先凋

送可倫赴廣南轉運凌使君見招

別語畏殘漏心懸瘴海邊  
回期無定日去路極遙天  
苦霧沈山郭寒沙漲濕田  
幾宵尋使府清話廢閒眠

早春闕下寄觀公

客心長念隱早晚得書招  
看月前期阻論山靜會遙  
微陽生遠道殘雪下中宵  
坐見青門柳依依又結條

保暹

宿宇昭師房

與我難忘舊多期病此房  
卧雲歸未得靜夜話空長  
草際沈螢影杉西露月光  
天明共無寐南去水茫茫

早秋閒寄宇公

窓虛枕簟明微覺早涼生  
深院無人語長松滴雨聲  
詩來禪外得愁入靜中平  
遠念西林下相思合慰情

文兆

宿西山精舍

西山乘興宿靜稱寂寥心  
一徑杉松老三更雨雪深  
草堂僧語息雲閣磬聲沈  
未遂長棲此雙峯曉待尋

送簡長師之洛

動靜非常態超然西去心  
水期經洛聽雲約到嵩吟  
齋訪烟村遠禪衣竹寺深  
祇應風雅道相府是知音

行肇

郊居吟

靜室簾孤捲幽光墜露多  
徑寒杉影轉窓曉雪聲過  
茗味沙泉合爐香竹靄和  
遙懷起深夕舊寺隔滄波

送文光上人西遊

高木墜殘雲，閑河入遠心。嵩遊楚夢華，近識秦音塔。古縣圖  
認碑荒背，燒尋幾思興。替事獨上灞陵。

清順

字怡然，西湖詩僧，與可久號逸老者，所居皆湖山勝處，清順性約介，不妄交人，常致乏食，處之泊如也。

書景舒庵壁

大布君能著始知，非家間容一榻。身外只三衣，護戒避生

草淨心觀落暉，寂寥能自守。今世固應稀。

偶題

竹暗不通日，泉聲落如雨。春風自有期，桃李亂深塢。

簡長

送僧南歸

漸老念鄉國，先歸獨羨君。吳山全接漢，江樹半藏雲。振錫林烟

斷，添瓶澗水分。重樓上方定，孤狖雪中聞。

送行禪師

南國山中疊，歸心向石門。寄禪依鳥道，絕食過漁村。楚雪黏瓶

凍，江沙滅衲昏。白雲深隱處，枕上海潮聞。

贈浩律師

浩也毘尼學，精于玉帳嚴。蟻酣停掃砌，燕乳記鈎簾。茶鼎馱水

煮，花壺澆水添。夢回池草綠，忍踐綠纖纖。

惟鳳

與行肇師宿廬山棲賢寺

水瀑寒侵室，圍爐靜話長。詩心全大雅，祖意會諸方。磬斷危杉

月，燈殘古堦霜。無眠向遠夕，又約去衡陽。

弔長禪師

霜鐘侵漏急相弔晚悲濃海客傳遺偈林僧寫病容  
漱泉流落葉定石集鳴蛩回首雲門望殘陽下遠峰

懷古

寺居寄簡長

雪苑東山寺山深少往還紅塵無夢想白日自安閒  
杖履苔痕上香燈樹影間何須更飛錫歸隱卧洲山

居天柱山

四野豁家庭柴門夜不高水邊成半偈月下了殘經  
雖逐諸塵轉終當一念醒未知斯旨者萬役盡勞

智圓

贈聞聰師

澹然塵慮絕禪外苦風騷性覺眠雲僻名因背俗高  
水烟蒸紙

帳寒髮澀銅刀幾宿秋江寺閒吟聽夜濤

遵式

酬仇上人

高卧清閒極誰能更似君山光晴後見瀑響音夜聲  
聞拾句書幽石收茶踏亂雲江頭待無事終學棄人羣

贈智倫弟

溪竹擁疎簾溪雲冷不厭千巖惟虎伴一講許詩兼  
煮茗獻冰柱看經就雪簷有時開靜戶寒日下峰尖

元肇

淳熙中人號淮海有語錄及淮海詩集行世

虎丘

滄海何年湧秦傳虎踞丘池空劍光冷墳闕鬼吟愁  
石礙樓臺



側烟深草木浮吳人貪勝概春盡亦來游

徑山

東西兩徑遊歲晚得同遊壑霽雲猶在溪雲凍不浮鳥驚樵斧重猿挂樹枝柔怕有梅花發因行到水頭

善珍

山行晚歸

藥徑入雲林晚晴扶杖吟照泥星復雨經朔月猶陰樹折憐巢覆泉清見葉沈愛閒自如此不是學灰心

春寒

松間燈夕過顧影在天涯雪暝迷歸鶴春寒誤早花艱難知世味貧病厭年華故國風塵外無人可問家

如璧

次韻答呂居仁

向來相許濟時功大似頻伽響遠空我已定交木上座君猶求舊管城公文章不療百年老世事能排雙頰紅好貸夜窓三十刻胡牀趺坐究帆風

顯萬

送炭與香山西堂惠然詩

紛紛向火乞兒多獨有君如擇乳鵝萬鍛爐中尋粲可一堆灰裏撥陰何雪歌敗屋閒犀柄草卧空庭任雀羅急送烏薪相暖熱恐隨春夢入南柯

可觀

入院登座其日重九

胸中一寸灰已冷頭上千莖雪未消老步只宜平地去不知何

事又登高

惠巖

正覺寺

野水痕俱落擘舟日未西  
斷溝橫略約支徑入招提  
方廣源深似竹林境可齊  
徘徊未能返暝色起前溪

按汴宋詩僧自參寥覺範外獨以九人著稱所謂九人者淮南惠崇江南宇昭金華寶暹劍南希晝南越文兆天台行肇沃州簡長貴城惟鳳義着華台也今於八僧詩各得數章獨關華上人故附見其名焉

宋元詩會卷六十

皖桐陳焯默公輯選

後學程仕松皋參定

花榮夫人

姓費氏青城人蜀主孟昶妃也太祖平蜀俘入後宮嘗以蜀土問費費占一詩答之頗蒙寵愛後得罪賜死

秋宵詞

冰肌玉骨清無汗水殿風來暗香滿  
繡簾一點月窺人敲枕釵橫雲鬢亂  
起來庭戶悄無聲時見疎星渡銀漢  
屈指西風能幾來不道流年暗中換

口占答太祖

君王城上豎降旗妾在深宮那得知  
四十萬人齊解甲更無一箇是男兒

宮詞

五雲樓閣鳳城間花木長新日月間三十六宮連內苑太平天子住崑山

會真廣殿遶宮牆樓閣相扶倚太陽淨甃玉階橫水岬御爐香氣撲龍牀

龍池九曲遠相通楊柳絲牽兩岸風長似江南好風景畫船來去碧波中

殿名新立號重光島上庭臺盡改張但是入行幸處黃金閣子鎖牙林

夾城門與內門通朝罷巡遊到苑中每日中官祇候處滿堤紅艷立春風

厨盤進食簇時新侍晏無非列近臣日午殿頭宣素膳隔花催喚打魚人

立春日進內園花經藻輕車嫩淺霞跪到玉階猶帶露一時宣賜與宮娃

三面宮城盡夾牆苑中池水白茫茫一從獅子門前入旋見亭臺遶岬傍

離宮別苑遶宮城金板輕敲合鳳笙夜夜月明花樹底傍池長有按歌聲

旋移紅樹刷新苔宣使龍池再鑿開展得綠波寬似海水心樓殿勝蓬萊

太虛高閣凌雲殿背倚城牆面枕池諸院各分娘子位羊車到處不教知

御製新翻曲子成六宮總唱未知名盡將感策來抄譜先按君王玉笛聲

才人出入每參隨  
筆硯行將遶曲池  
張向綵箋書大字  
忽防御製寫新詩

六宮官職總新除  
宮女安排入畫圖  
二十四司分六局  
御前頻見錯相呼

春風一面曉妝成  
偷折花枝傍水行  
却被內監遙覩見  
故將紅豆打黃鶯

殿前排宴賞花開  
宮女侵晨探幾回  
斜望苑門遙舉袖  
傳喧聲喚近臣來

小毬場盡曲池頭  
喧喚勳臣試打球  
先向畫樓排御幄  
管絃聲動立浮游

供奉頭籌不敢爭  
上棚等喚近臣名  
內人酌酒纔宣賜  
馬上齊呼萬歲聲

殿前宮女總纖腰  
初學乘騎怯又驕  
上得馬來纔欲走  
幾回拋控抱鞍橋

自教宮娥學打球  
玉鞍初跨柳腰柔  
上棚知是官家認  
遍遍常贏第一籌

翔鸞閣外夕陽天  
樹影花光遠接連  
望見內家來往處  
水門斜過畫樓船

月頭支給買花錢  
滿殿宮人近數千  
遇著唱名多不語  
含羞走過御牀前

內人追逐採蓮時  
驚沙鷗兩岸飛  
蘭橈把來齊拍水  
起並船相闔溼羅衣

修儀承寵住龍池  
掃地焚香日午時  
等候大家來院裏  
看教鸚鵡念新詩

東內斜將紫禁通龍池鳳苑夾城中曉鐘聲斷嚴妝罷院院沙  
窻海日紅

安排諸院接行廊外檻周回十里強青錦地衣紅繡毯盡鋪龍  
騰鬱金香

新秋女伴各相逢罨畫船飛別渚中旋折荷花半歌舞夕陽斜  
照滿衣紅

早春楊柳引長條倚岸沿堤一面高稱與畫船牽錦纜暖風搓  
出綵絲縹

內家宣賜生辰宴隔夜諸公進御花後殿未聞公主入東門先  
報下金車

選進仙韻第一人才勝羅綺不勝春重教按舞桃花下只踏殘  
紅作地裯

侍女爭揮玉彈弓金丸飛入亂花中一時驚起流鶯散踏落殘  
花滿地紅

七寶闌干白玉除新開涼殿幸金輿一溝泛碧流春水四面瓊  
溝搭綺疏

東宮花燭綵樓新天上仙橋不鎖春徧出六宮歌舞奏嫦娥初  
到月虛輪

鷄人報曉終三唱玉井金牀轉輓轡烟引御爐香遠殿漏籤初  
刻上銅壺

宮女薰香進御衣殿前開鎖請金匙朝陽初上黃金屋禁掖春  
深晝漏遲

闔草深宮玉檻前春蒲如箭荇如錢不知紅藥闌干曲日暮何  
人落翠鈿

春心滴破花間漏曉夢敲回禁裏鐘十二楚山何處是御樓  
見兩三峰

博山夜宿沈香火帳外時聞暖鳳笙理遍從頭心上曲殿前龍  
直未交更

春殿千官晏却歸上林鶯舌報花時宣徽旋進新裁曲學士爭  
吟應制詩

白藤花限白銀花閣子門當寢殿斜近被宮中知了事每來隨  
駕使煎茶

西毬場裏打毬回御宴先于苑內開宣索教坊諸伎樂傍池催  
喚入船來

昭儀侍宴足精神玉燭抽看記飲巡倚賴識書為怪事燈前時  
復錯瞞人

小雨霜微潤綠苔後闌紅杏傍池開一枝挿入金瓶裏捧進君  
王殿上來

婕妤生長帝王家常近龍顏逐翠華楊柳岍長春日暮傍池行  
困倚桃花

繁杏天桃燥殿傍鸞輿頻興闔雞場歸輿倘翫宮中月好把龍  
涎熱滿林

平頭船子小龍林多少神仙立御傍旋刺高竿今過岸滿地春  
水蘸紅妝

後宮阿監裏羅巾出入經過院圍頻承奉聖賢憂誤失就中常  
怕內夫人

羅衫玉帶最風流斜挿銀篋幔裏頭聞得殿前調御馬掉鞭橫  
過小紅樓

六宮一例羅冠子新樣交鐫白玉花欲試淡妝兼道服面前宣  
與唾盃家

三月櫻桃乍熟時內人相引看紅枝回頭索取黃金彈遶樹藏  
身打雀兒

春天睡起曉妝成隨侍君王觸處行畫得自家梳洗樣相憑女  
伴把來成

小小宮娥到內園未梳雲髻臉如蓮自從配與夫人後不使尋  
花亂入船

芳菲桃李似新妝兩兩黃鸝叫樹傍倚遍碧闌忘去住俄驚宮  
月照華堂

舞頭皆著畫羅衣唱得新翻御製詞每日內庭聞教隊樂聲飛  
上到龍池

春早尋花入內園竟傳宣旨欲黃昏明朝駕幸遊蚕市暗使羶  
車籠苑門

春日龍池小晏開岼邊亭子號流杯沉檀刻作神仙女對捧金  
尊水上來

後宮宮女無多少起得園中一團舞蝶落花笑相看著春風共  
語亦相難

雨灑瑤階花盡開君王應是看花來靜倚雕欄渾忘倦忽聽笙  
簧殿外

流鶯枝上啣聲和惹得愁人愁轉多數月宮階無輦迹但聞別  
院鬧笙歌

酒庫新修近水傍潑醕初熟五雲漿殿前供御頻宣素進入花  
間一陣香

半夜搖船載內家水門紅蠟一行斜聖人正在宮中飲宣使池頭旋折花

東宮降誕近佳辰少海星邊擁瑞雲中尉傳開三日晏翰林當撰洗兒文

薄羅衫子透肌膚夏日初長板閣虛獨自凭闌無一事水風涼處讀文書

沈香亭子傍池斜夏日巡游歇翠華簾畔越盆盛淨水內人手裏剖銀瓜

苑東天子愛巡游御岍花低枕碧流新教內人供射鴨長將弓箭遠池頭

水車踏水上宮城寢殿簷頭滴滴鳴助得聖人高枕興夜涼長作遠灘聲

三清臺近苑牆東樓檻重重映水紅盡日綺羅人度曲管絃聲在半天中

畫船芳舫總新妝進日池中近島傍松柏樓窓楠木板暖氣吹過一團香

管絃聲急滿龍池宮女藏鈞夜晏時好是聖人親捉得便將濃墨掃雙眉

太液波清水殿涼畫船驚起宿鴛鴦翠眉不及池邊柳取次飛花入建章

金作盤龍繡作麟壺冰樓閣禁中春君王避暑來遊幸風月橫秋氣象新

端午生辰進御牀赭黃羅帕覆金箱美人捧入南薰殿玉腕斜封綵綫長



少年相逐採蓮回羅帽羅衣巧製裁每到岸頭常拍水竟提纖  
手出船來

出樓綵鳳棲寒月晏殿金麟吐御香蜀錦地衣呈隊舞教頭先  
出拜君王

西風吹葉撼宮梧早怯秋寒著繡襦玉宇無人雙燕去一灣新  
月上金樞

內庭秋燕玉池東香散何花水殿風阿監採菱牽錦纜月明猶  
在畫船中

翠華香重御爐添雙鳳樓頭曉日連扇掩紅鑿金殿悄一聲清  
蹕捲珠簾

清曉自傾花上露冷侵宮殿玉蟾蜍擘開五色銷金紙碧瑣窻  
前學草書

夜色樓臺月數層金猊烟穗繞觚稜重廊曲折連三殿密上真  
珠百寶燈

天門晏閉九重闕樓倚銀河氣象閒一點星球垂絳闕五雲仙  
仗下蓬山

安排竹柵與巴籬養得新生鶉鴿兒宣受內家專喂飼花毛閒  
看搃昏知

初年十五最風流新賜雲鬟使上頭按罷霓裳歸院裏畫樓雲  
閣總重修

金畫香臺出露盤黃龍雕刻遠朱闌焚修每遇三元節天子親  
簪白玉冠

錦城上起凝烟閣擁殿遮樓一面高認得聖賢遙望見碧闌干  
映赭黃袍

蕙炷香銷燭影殘御衣薰盡徹更闌歸來困頓眠紅帳一枕西  
風夢裏寒

密色紅泥地火爐內人冬日晚傳呼今宵駕赤池頭宿排比椒  
房得暖無

梨園弟子簇池頭小樂携來候燕遊旋把眼箏先按拍海棠花  
下合梁州

樹葉初成鳥出窠石榴花底笑聲多醉中遺却金釵子拾得從  
他要賞羅

小殿新妝粉欲乾貴妃姊妹自來看為逢好日先移入續向西  
街索牡丹

內人相續報花開准擬君王便看來縫著五絃琴繡袋宜春院  
裏按歌回

黃金盒裏盛紅雪重結香羅四出花一一傍邊書刺字分明賜  
與大臣家

宮人早起笑相呼不識堦前掃地夫乞與金錢爭借問外頭還  
似此間無

小隨阿姊學吹笙好見君王乞與名夜掃玉牀朝把鏡黃金堦  
下不教行

日高殿裏有香烟萬歲聲來動九天妃子苑中初降誕內人爭  
乞洗兒錢

宮花不與外邊同三月長生一朵紅供御櫻桃看守別直無雅  
鳥在園中

牀頭謝賜紫羅衣不下金堦上輭輿官局總來為喜樂院中新  
拜內尚書

舞來汗濕羅衣徹，樓上人扶下玉梯。歸到院中重洗面，金盆水裏潑紅泥。

衆人愛得君王笑，偷把金箱筆硯開。書破紅蠻隔子上，旋推當內美人來。

水中芹葉土中花，拾得還將避衆家。總待別人般數盡，袖中拈出鬱金芽。

窻窻戶戶院相當，總有珠簾玳瑁牀。雖然君王不來宿，帳中常是炷沈香。

按花藥宮詞傳流已久，或云四十首，或云二十八首。後來刻本增至百篇，皆好事者附會之所為，不足信也。今就其本集百首內，論誤最著者約與之。如銀燭秋光冷，畫屏輕羅小扇撲流螢。此唐杜牧之絕句也。勅賜一窠紅躑躅，謝恩未了報

花開此王建宮詞也。而王珪共詞三十首，竟移取十三章。入花藥集，甚覺無味。如翠鈿貼靨輕如笑，銷聲金掣閣門環。三月初金明柳絮飛，內人稀見水鞦韆。禁裏香濃蝶自飛，釣線乘波漾綵舟。金井秋啼絡緯聲，御案橫金殿。幄紅沙幔薄垂金麥穗，御座垂簾繡額丹。天外明河翻玉浪，夜寒金殿篆烟飛。曉吹翩翩動翠旗，諸什是也。及遍訪別刻，得花藥最初本，其百首內有十五首迥乎不同，因悉以易之。究亦難定其是。汗宮人博物君子，考證焉。

宮詞四首

歲歲逢元夜，金蛾鬧簇今見人心自怯。終是女兒身，歲歲逢元夜。金蛾鬧簇中見人心自怯。終是女兒身。殿前輪值罷，偷去賭金釵。怕見黃昏月，慙慙上玉階。

翠翹朱搢背小殿夜藏釣鷺地羊車至低頭笑不休  
一向傳宣急誰知不復還來時舊鍼線記得在窻前

宋靖康宮人

題驛壁

渭平沙淺雁來時渭淺沙移雁不歸江海一身多少事清風明月淚沾衣

魏夫人

虞美人草

鴻門玉斗紛如雪十萬降兵夜流血咸陽宮殿三月紅霸業已  
隨灰燼滅剛強必死仁義王陰陵失道非天亡英雄本學萬人  
敵何用屑屑悲紅妝三軍散盡旌旂倒玉帳佳人坐中老香魂  
夜逐劍光飛青血化為原上草芳心寂寞倚寒枝舊曲聞來似

斂眉哀怨徘徊愁不語恰如夜聽楚歌時滔滔逝水流今古楚  
漢興亡兩邱土當年遺久成空慷慨尊前為誰舞

趙令時妻王氏

咏懷

白藕作花風已秋不堪殘夢更回頭晚雲帶雨歸飛急去作西  
窻一枕愁

沈清友

吳趨  
女子

絕句

晚天移櫂泊垂虹閒倚蓬窻問釣翁為底鱸魚低價賣年來朝  
市怕秋風

賀鑄妾某氏

春日

獨倚危闌淚滿襟  
小園春色懶追尋  
深恩總似丁香結  
難展芭蕉一寸心

孟淑卿

題採蓮美人圖

綠槐蟬靜日偏長  
懶爇金爐百和香  
莫摘池中蓮子看  
箇中多半是空房

春歸

落盡棠梨水拍堤  
淒淒芳草望中迷  
無情最是枝頭鳥  
不管人愁只顧啼

吳安持妻王氏

荆公安石長女公集中有寄女詩曰伯姬不見我於今始  
七齡家書無虛月豈異常歸寧蓋答其憶家詩也

呈父舒王

西風吹入小窻紗  
秋氣應憐我憶家  
極目江山千里恨  
依然和淚看黃花

曹組母王氏

樓上望妓行雪中

梁王晏罷下瑤臺  
窄窄紅鞋步雪來  
恰似陽春三月暮  
楊花飛處牡丹開

方勉妻王氏

夫犯夜禁代呈法官

明時樂事娛詩酒  
帝里風光獨占春  
况是白衣重得侶  
不堪青旆自招人  
早知玉漏催三鼓  
肯把金貂換百巡  
大抵仁人憐氣節  
弗教孤客作囚身

萊公姬舊桃

侍晏呈萊公二首

一曲清歌一束綾美人獨自意嫌輕不知織女寒窓下幾度拋梭織得成

風動衣單手屢呵幽窓軋軋度寒梭臘天日短不盈尺何似妖姬一曲歌

徐宥女

偶題

絮如柳陌三春雨花落梨園一笛風百尺玉樓簾半捲夜深人在水晶宮

溫婉

寄遠

小花靜院東風起燕燕鶯鶯拂桃李斜倚紅牆半遠入樓外春山幾千里

譚意哥

寄外

瀟湘江上探春回消盡寒冰落盡梅願得兒夫似春色一年一度一歸來

昆陵女子

題破錢

半輪殘月掩塵埃依稀猶有開元字想得清光未破時買盡人間不平事

彈琴

昔年常笑卓文君豈信絲桐解誤身今月未彈心已亂此心原

宋元言會  
卷二十一  
是不由人

浣花女

潭畔芙蓉

芙蓉花發滿江紅  
盡道芙蓉勝妾容  
昨日妾從堤上過  
如何不見看芙蓉

陸放翁妾某氏

偶吟

玉階蟋蟀鬧清夜  
金井梧桐辭故枝  
一枕淒涼眠不得  
呼燈起作感秋詩

鄧鄧氏

寄衣戍所

欲寄寒衣上帝都  
連宵裁剪眼模糊  
可憐寬窄無人試  
淚逐西

風灑去途

題畫菊

良工妙手恁安排  
筆底移來紙上裁  
葉綠花黃長自媚  
等閒那與蝶蜂來

李清照

浯溪中興頌碑和張文潛二篇

五十年功如電掃  
華清宮柳咸陽草  
五坊供奉闔鷄兒  
酒肉堆中不知老  
叛兵忽自天上來  
逆臣亦是奸雄才  
勤政樓前走戎馬  
珠翠踏盡香塵埃  
何為出戰輒披靡  
傳置荔枝馬多死  
堯功舜德本如天安用  
區區紀文字著碑銘  
德真陋哉乃令神鬼磨  
山崖子儀光弼不自猜  
天心悔禍人心開  
夏為殷鑒當深戒  
簡策汗青今具在  
君不見當時張說最多機  
雖生已被姚崇賣

君不見驚人廢興傳天寶中興碑上今生草不知負國有奸雄  
但說成功尊國老誰令妃子天上來虢國韓國皆天才苑桑羯  
鼓玉方響春風不敢生塵埃姓名誰復知安史健兒猛將安眠  
死去天尺五抱甕峰峯頭鑿出開元字時移勢去真可哀奸人  
心醜深如崖西蜀萬里尚能反南內一閉何時開可憐孝德如  
天大反使將軍稱好在嗚呼奴婢乃不能道輔國用事張后尊  
乃能念春薺長安作斤賣

題八咏樓

千古風流八咏樓江山留與後人愁水通南國三千里氣壓江  
城十四洲

朱淑貞

中秋

秋來常是病不易到中秋欲賞今宵月須登昨夜樓露濃梧影  
淡風細桂香浮莫作尋常看嫦娥亦解愁

墨梅

若箇龍眠手能傳處士詩借他窻上影寫作雪中枝頃刻回春  
色輕盈動玉卮不能殷七七橫笛月中吹

湖上秋夕

二首

戀戀西湖景山頭帶夕陽歸禽翻竹露果落響芹塘葉倚風中  
靜魚游水底涼半亭明月色荷氣惱人香

極目寒郊外晚來微雨收隴頭霞散綺天際月懸鈞一字新  
度千聲落葉秋倚欄堪聽處玉笛在漁舟

立春

停盃不飲待春來和氣先春動六街生菜乍挑宜捲餅羅幡旋



剪稱聯釵休論殘臘千重恨管入新年百事諧從此對花并對  
景盡拘風月入詩懷

春日

輕寒噤瘁花期晚皺綠差鱗接遠波躍藻白魚翻玉尺穿林黃  
鳥度金梭閒將詩草臨軒讀靜聽漁船隔岸歌盡日倚窓情脈  
脈眼前無事奈春和

春詞

屈指清明數日期紛紛紅紫競芳菲池塘水暖鷓鴣並巷陌風  
輕燕燕飛柳帶萬條籠淑景游絲千尺舞晴暉人間何處無春  
色祇是西樓人未歸

元夜

月滿今宵霽色澄深沉簾幙管絃清誇毫闕彩連仙館墮翠遺

珠滿帝城一派笑聲連鼓吹六街燈火樂昇平歸來禁漏踰三

四窻上梅花瘦影橫

燈花

俗謂燈花有財花  
有客花故成末句

蘭缸和氣散氤氳忽作圓珠吐穗新膏脈破芽非藉手敷芳成  
艷不關春疑猜海角天涯事攪亂衾寒枕冷人我欲生憐心爇  
上何妨好客致清貧

送人赴試禮部

春闈報罷已三年又向西風促去鞭屢鼓莫嫌非作氣一飛當  
自卜沖天賈生少達終何遇馬援才高老更堅大抵功名無早  
晚平津今見起菑川

清畫

竹搖清影照幽窓兩兩時禽噪夕陽謝却海棠飛盡絮困入天

氣日初長

約游春不去 二首

鄰姬約我踏青游強拂愁眉下小樓出戶欲行還自省也知憔悴見人羞

少年意思懶能酬愛好心情一向休若到舊家遊冶處只應滿眼是春愁

元夜遇雨

烟火笙歌是處休沈沈春雨暗皇州危樓十二闌干曲一曲闌干一曲愁

窓西桃花盛開

盡是劉郎手自栽劉郎去後幾番開東君有意能相顧蝶蛺蝶無情更不來

新荷

平波浮動浴妃鈿翠色郊圓小更鮮蕩漾湖光三十頃未知葉底是誰蓮

東馬塍

一塍芳草碧芊芊活水穿花暗護田蚕事正忙農事急不知春色為誰妍

清瘦

春花秋月若浮漚恁得心如不繫舟肌骨大都無一把可憐禁駕許多愁

圓子

輕圓絕勝雞頭肉滑膩偏宜蟹眼湯縱可風流無處說已輸湯餅試何郎

花

連理枝頭花正開  
妬花風雨便相猜  
願教青地長為主  
莫遣紛紛點翠苔

長春花

一枝纔謝一枝妍  
是自天宮不與閒  
縱使牡丹稱絕艷  
到頭榮瘁片時間

張秦娥

少以工小詩得名  
重老流落關塞  
詳見金進士劉昂贈詩中

南城

坡頭望西山  
秋意已如許  
雲影渡江來  
霏霏半空雨

麗澤

長吟伐木詩  
停立以望子  
日暮飛鳥歸  
門前長春水

采菱舟

散策下松亭  
水清魚可數  
却上采菱舟  
乘風過南浦

遙山

秋水一林碧  
殘霞幾點紅  
水窮霞盡處  
隱隱兩三峰

李少雲

梅花

素艷明寒雪  
清春任晚風  
可憐渾似我  
零落此山中

鮑娘

題杉溪驛

溪驛舊名山  
烟光滿翠嵐  
須知今夜好  
宿處是江南

女郎慧姑

貽情

自憐新髻好對鏡久夷猶回首瞥見郎含羞整搔頭花間並郎  
行低說夜來話蝴蝶學嬌癡飛來傍裙帶羨殺葉底花色嬌香  
不漏安得郎如葉長將玉肌覆

周韶

求落籍

隴上巢空歲月驚忍教回首自梳翎開籠若放雪衣女長念觀  
音般若經時韶身  
着白衣

矜矜

惜春容

少年看花雙鬢綠走馬章臺管絃逐而今老更惜花深終日看  
花花不足坐中美女顏如玉為我一歌金縷曲歸時壓得帽簷  
歌頭上春風紅簌簌

胡楚

芳草

不見當時丁令威年年處處是相思若將此恨同芳草却恐青  
青有盡時

送周韶落籍

澹妝輕素鶴翎紅移入朱欄便不同應笑西園舊桃李強將顏  
色待東風

龍靚

靚與胡楚周韶同以才慧擅  
青樓名其詩併見稱于坡老

自嘲

天與羣芳十樣葩獨分顏色不堪誇牡丹芍藥人題遍自笑身  
如鼓子花

送周韶落籍

桃花流水本無塵一落人間幾度春  
解佩暫酬交甫意濯纓還遇武陵人

宋元詩會卷之六十一

晚桐陳

焯默公輯選

後學程

仕松皋叅較

金詩附

司馬朴以下天水留金五人

朴字文季温公之猶子宋兵部侍郎以奉使見留居于初陽授以官託疾不拜邀遊王公之門以壽終文季工書翰有晉人筆意金主嘗購其遺墨學之有雪霽同韓公度登圓福寺閣詩今略載于此積雪日出泉雪飛梅已殘朋遊要及時閣鄰有遐觀乘此蕪穢平快覽天宇寬霽色溼銀界空望連江千山如白毫相混溢清揚端一氣轉浩渺萬里皆瀾漫優哉賦梁苑想像排廣寒下句俱殘缺不不讀云

無餘居士齋壁有沈傳師遊道仙岳麓詩石刻穆仲等和之因亦次韻

湘西勝景豈易論羣仙騰闖萬馬奔鶴泉一麓騫鶴嚼松風十里藏祇園當時侍御遇題寫筆力孰敢爭雄尊東京少年妙詞

藻南陽舊族齊陰樊天心月脇出奇語使我展讀忘朝昏差差  
戈劍隱一敵落落旂鼓嚴干屯無餘居士厲幽志細研六藝方  
專門凍肝嬌兒慣腸覓啼饑瘦婦餘淚痕惟君德義克相愜每  
窮道妙角與根他人勸酒驚逐魂二子頻酌勤空樽醉中詩成  
渺江海風外旛影徒相翻卷藏篋笥已戢戢風生襟袖何軒軒  
嗟乎我亦有餘腐陋哉羊政囚華元

滕茂實

字秀穎姑蘇人初名裸徽宗改賜馬以太學正兼明堂司  
令與樞密路允迪翰林修撰宗彥通奉使割三鎮太原尋  
奉密詔據不下國相怒囚使人於雲中欽宗北遷秀穎謁  
見涕泣相從行主者不之許放允迪彥通南歸茂實留雁  
門與兄宗正承福字伯壽淮南發運使禱共居久之家人  
至自汴梁秀穎往來并代之間布衣終身臨終令黃福裹  
尸而葬仍大刻九字云宗使致祭東陽滕茂實墓士大夫哀  
其忠為之起墳于雁門歲時致祭雁門李鍾秀挺云喪亂  
以來家所藏書焚蕩都盡避兵山中民家偶于破箱中得  
秀穎詩一編紙已敗爛前序秀穎自作可辨者百餘字大

略言能安於死生之分而不能忘感慨不平之氣又曰蘇  
屬國牧羊海上而五言之作自此始于敢援以為後叙  
是筆吏林泉野老彥古不著姓年七十手錄三膝  
始末號東陽滕秀穎鳳山思遠記者詩數百首可讀者十  
六七臨終一詩缺三五字而已非筆吏此集則秀穎之事  
無以見於世蓋先生名節凜然不媿古人之文字語言宜  
有神物護持雖理末之久而光明發見於高濟叔碑  
掩焉者歟禱字恐悞當作禱見南中濟叔碑

臨終詩 并序

某奉使三狀不伏復反父母之邦猶當請從主行以全  
臣節或怒而與之死幸以所伏節權裏其尸及有篆字  
九為刊之石埋于臺山之下不必封樹蓋昔年大病夢  
遊清涼境界覺而失病所在恐于此有緣如死窮微則  
乞體骸骨歸悉如前禱預作哀祠詞幾于不  
達方之淵明則不可亦庶幾少游之遺風也

齏鹽老書生謬列王都官索米了無補從事敢辭難殊鄰復盟

好仗節來榆關城守久不下川塗望漫漫儉革果不惜一往何

當還牧羊困蘇武假道拘張騫流離念窘東坐閱四序遷同來

悉言歸我獨留塞垣形影自相弔國破家亦殘呼天竟不聞痛

甚傷肺肝相逢老兄弟悼歎安得宣波瀾卷大厦一木難求安  
 就不違我心渠不汗我顏昔燕破齊王羣臣望風奔王蠋猶守  
 節燕人有甘言經首自絕脰感慨今昔傳未嘗食齊祿徒以世  
 為民况我祿數世一死何足論遠或死江海近或死朝昏歛我  
 不須衣裹尸以黃旛題作宋臣墓篆字當潑刊我室尚少女兒  
 女皆童頑四海無置錐飄流倍悲酸誰當給衣食使不厄飢寒  
 歲時一酌我猶足慰我魂我魂亦悠悠異鄉寄沈寃他時風雨  
 夜草木號空山

喜雨

早暎雨露渥豐穰都不疑商羊應屢舞布穀強多知龍見寧非  
 數雲行自有時當年班夏令曾得近丹墀

哀隆德守臣張確確浮休張舜民之弟嘗為烏延帥幕獨

不廷謁童貫作詩弔

睢陽萬古一張巡忠義傳家有世臣顏子伏膺當入室潘郎望  
 拜肯同塵圍城已恨天猶晦仗劍臨危氣益振飲子鄰邦盡曹  
 李偷生端作九泉人

天寧節有感

節臨重十慶天寧古殿焚香祝帝齡身在北方金佛剎眼看南  
 極老人星千官花覆常陪燕萬里雲遙阻在廷松柏滿山聊獻  
 壽小臣孤操亦青青

汴梁故老云徽宗本以五月五日生以俗忌移之十月十日故此詩有重十之句

雨後蔬盤可喜偶成

過雨盤蔬日日新從今休歎庾郎貧寒齏安取咄嗟辨火食不  
 憂生死鄰野菟何施雖可鄙美芹欲獻去無因干戈萬里風塵  
 晦慚愧平生肉倉食人

五日

節物驚心動遠思熏風又見浴蘭時空尋好句書紈扇無復佳人繫綵絲酒注菖蒲唯欲醉筒包菰黍不勝悲明年此日當何處風裏孤蓬自不知

偶成

纖雲卷盡見愁容古木交陰一掃空雪壓羣山曉來雨沙浸缺甃幾番風欲歸未得人將老屢送還來鬼亦窮賴得子卿佳傳在整冠時讀慰飄蓬

立春

東皇布政物皆春山色禽聲便可人滿谷和風消積雪半窗晴日動遊春塵宮花插帽枝枝秀菜甲堆槃種種新拘窘經時成土俗聊從一醉適天真

何宏中

字定遠先世居雁門叔祖青出武弁任忻州兵馬使因家焉祖行宣西遊遇仙不返行宣之子子奇子霖政和中武舉高科子奇秉義即武州宣寧尉子霖忠朗即守豐州安豐砦皆沒王事定遠子奇子也幼倜儻儀觀秀整雅以奇節自許宣和末方賊擾江浙定遠以太學武舉進士陳破賊三策徽宗褒諭謂非近日言事者所可比已而破賊如定遠策遂知名宣和元年集英殿試策第二調滑州章城尉汴京被圍州郡多避走獨韋不下兵退統制武宣英奏辟欽宗御札召赴軍前以路塞不果因請兵真定宣撫司時副帥師中兵已潰宣撫司檄定遠副漢英守銀治路既而太原破西路無完城定遠等提兵並山而東將赴援京師俄漢英戰死定遠收合散亡立山柵七十四所號令所及千里而遠艱食數月人不取相食詔以為武節大夫河東河北兩路統制接應使是後金兵日盛所守唯銀治一城而已金師募人生致定遠天會五年二月糧盡被擒大帥昭刺憐其忠解縛授以官定遠投牒于地曰我常以此物誘人出死力若輩乃欲以此嚇我耶帥嘉其不屈又問欲還鄉否定遠謀南奔陽以願歸為言會監送使臣有先與定遠相攻劫者怨之因西京府君廟二年帥一日召之授以定遠官又不拜使之充軍亦不從取家屬填城黃龍府益偃蹇不行帥怒褫衣欲斬之定遠忻然就戮曰得死所矣擁之行已數十步帥終不忍召還問爾授官不

宋詩

卷之二十一

存素堂



願充軍又不行填城又不行斬又不懼畢竟如何定遠徐  
 曰生死在公奚問為帥怒解繫之西京獄得州人保任者  
 數十族乃放歸請為黃冠時神霄宮廢道士舊以徽宗為  
 東華君將毀其像定遠為起紫微殿遷像事之六年十三  
 正隆四年病歿自號通理先生所著成真通理二集藏于  
 家州將傳慎微幾先贈詩云故人何定遠造物不虛生骨  
 骼稜稜瘦詩篇字字清世皆尊道義我獨見忠誠尊酒分  
 攜後何時復共傾其餘與朱少章輩唱酬甚多皆為所推  
 重載之墓碣之陰

述懷

馬革盛尸每恨遲西山餓路更何辭姓名不到中興曆付與皇  
 天后土知

姚孝錫

字仲純豐縣人政和四年登科調代州兵曹金兵入雁門  
 州將議以城降官屬恒怯投死無所仲純投牀大斲略不  
 以為意金帥就註五臺簿未幾移疾去因家五臺善治生  
 亭榭場圃富於遊觀賓客日盈其門州境歲飢出家所藏  
 粟萬石賑貧乏多所全濟鄉人德之中年之後以家事付  
 諸子放浪山水間詩酒自娛醉軒其自號也資稟簡重喜

怒不形于色棄官時年二十九至八十三乃終名士大夫  
 為詩以弔者數十人仲純長于尺讀所著鷄肋集喪乳以  
 來止存律詩五卷而已今略載于此次冠鄉韻云節物後  
 先南北異人情冷暖古今同次趙獻之韻云紅纈退風花  
 著子綠鍼浮水稻抽秧溪野早春云久客交情諳冷暖衰  
 年病骨識陰晴春日和德充云煙染綠絲迷別浦兩催紅  
 糝綴長條雜詩云愁邊日管暑偏疑短夢裏江山未當歸  
 盤無兼味慙留客夢獸多岐不到鄉賦雪云酒敵餘威翻  
 索莫詩含幽思倍清新雨云岼漲魚吹沫山空石轉雷峰  
 山寺云谷虛繁地籟境寂散天香雲生古木千章秀山抱  
 晴川一掌平懷士會云詩忙疎酒醖俸薄減厨煙感懷云  
 玄宴暮年常抱病子山終日苦思歸古詩尤有高超恨不  
 復見之矣

睡起

睡起日侵牖開門遙見山曉風吹臘盡芳草惹春還煙暖鶯遷  
 谷雲低雁渡閑衰年人事減遇酒得開顏

閒居

無居訪衰殘柴門盡日閑耽書真是癖惜酒近成慳苔徑行搜

句茅檐臥看山却嫌明鏡裏偏照鬢毛斑

次韻李相公偶成

簾鳥呼歸夢竹風追夕涼感時空有淚却老分無方流水依山  
白孤雲帶日黃無人共尊酒散髮卧蓆牀

春日書懷

雲散交情薄棋翻世態新山容猶帶臘鳥已回春節物驚心遽  
丘園入夢頻東風如解語端笑未歸人

用峰山舊韻

春水上堤沙春晴散望賒衰年花近眼久客夢還家映日孤鴻  
沒迎風雙燕斜平生江海意蚤晚送浮槎

次韻秋興

老畏年光速愁添旅夢多西風著梧竹歸思入煙波夜永憑詩

遣顏衰得酒和故溪千樹柳誰復曬漁蓑

溪橋早春

輕黃未染柳稍勻連日溪風捲塞塵乍暖乍寒花信晚相呼相  
喚鳥聲頻少勤謾挾經綸策老懶空餘病患身追憶故園桃李  
樹年年紅紫為誰新

生涯

生涯甘分寄耕桑山色圍門水遠墻因病久懲耽酒癖愛閒仍  
有和詩忙簷水滴砌春猶冷野馬浮川日漸長舊事老年多記  
憶故園歸夢正悠颺

柳溪別墅

安車隨意飽甘肥晚食徐行理可亦齊山市日高人未集柴門  
客至鳥先啼溪橋散望攜筇度野寺牽吟信筆題容膝易安聊

自適甕天間看舞醢雞

次李平子登臺有感

落日孤雲帶遠岡，成樓煙瘴舊邊場。  
疲民卒歲方懷土，遠客憑高自憶鄉。  
漢使一朝延四皓，秦詩千古弔三良。  
行藏此意無人解，聊借青山送酒觴。

和成冠卿見寄

別恨頻添鬢雪深，百年懷抱鬱沈沈。  
標名不挂金銀胸，涉世空堅鐵石心。  
俗物何勞供一醉，殘僧正欲伴孤吟。  
朱絃三弄虛簷寂，唯有清風是賞音。

感白髮

彈鋏憑誰聽客歌，震雷那復化魚梭。  
梳頭白雪驚新有，障眼玄花比舊多。  
鄉間阻兵猶斷絕，羈懷憑酒暫消磨。  
不須更問今朝

客門外元無雀可羅

題佛光寺

臧穀雖殊竟兩忘，倚闌終日念行藏。  
已欣境寂洗塵慮，更覺心清聞妙香。  
孤鳥帶煙來遠樹，斷雲收雨下斜陽。  
人間未卜蝸牛舍，遠目橫秋益自傷。

次韻公才對菊見懷

髮蓬新感二毛侵，尚阻清尊對菊斟。  
久擬芝蘭同臭味，莫疑魚鳥自高深。  
食貧豈復甘秦炙，客病空懷奏楚音。  
挂席無由上牛斗，漫流水送歸心。

題滕奉使祠

本期蘇鄭共揚鑣，不意芝蘭失後凋。  
遺老抵今猶涕淚，後生無復識風標。  
西陲雁度霜前塞，潯水樵爭日暮橋。  
追想平生英偉

魄凌雲一笑豈能招

芭蕉

鳳翅搖寒碧虛庭暑不侵何因有恨事常抱未舒心

朱弁

字少章宗吉州團練使因通問金廷見留命以官託目疾固辭粹然以錐刺之而不為瞬用是得歸凡居雲翔二十

秋夜

秋夜雖漸永未抵客愁長秋月雖已圓不照寸心方將心貯此  
愁真作萬斛量惟月憐此夜誰共千里光空令還家夢欲起征  
鴻翔

北人以松皮為菜予初不知味虞侍郎分餉一小把因飯素授厨人與園蔬雜進珍美可喜因作一詩

吾老似出家晚悟媿根鈍滋旨却羶葷禪悅要親近偉哉十八  
公茲道亦精進舍身奉刀几割體絕嗔恨鱗皴老龍皮鳴齒溢  
芳潤流膏為伏龜千歲未須問便堪奴筍蕨詎肯友芝菌跣跌  
得一飽萬事皆可擯侍郎文懿後落落衆推俊澹然世味薄內  
典得所信香厨留淨供頻食不言頓宴然默不語草木雷音震  
得法於此公骨髓傳心印應憐持節人餉此為問訊欲將無上  
味為我洗塵坐食之不敢餘感激在方寸

炕寢三十韻

風土南北殊習尚非一躡出鄉雖仗節入國暫同俗淹流歲再  
殘朔雪滿崖谷禦冬貂裘敝一炕且跼伏西山石為薪黝色驚  
射目方熾絕可邇將盡還自續飛飛湧玄雲燄燄積紅玉稍疑  
雷出地又似風薄木誰容鼠棲永信是龍銜燭陽曦助喘息未

害搖空腹惠氣生袴襦仍工展拳足豈惟脫膚鱗兼復平體粟  
負暄那用詫執熱定思沃收功在歲寒較德比時燠雖餘炙手  
炤寧有爛額酷矧當凝互晨炎帝獨回轂玄冥真退聽祝融端  
可錄嗟予亦何者萬里歌黃鵠偃仰對窗扉妍暖謝衾褥壯懷  
羞寵媚晚悟笑突曲因思墮指人暴露苦駮瘃頻年未解甲蹈  
此鋒刃毒遙知革輅中盱食安豆粥微臣將命來意懇誠亦篤  
有奇不能吐何術止南牧君心想更切臣罪何由贖此身雖自  
溫此志轉煩促論武貴止戈天必從人欲安得四海春永作蒼  
生福聊擬少陵翁秋風賦茅屋

蘇子翼送黃精酒

仙經何物堪却老較功無如太陽草龍銜雞銜名雖異兔公羊  
公事可考蘇君真是神仙喬橋井陰功貫穹昊雲笈書成數萬  
言銀闕珠宮用心早獨知此物有奇效福地名山為儲寶不憚  
林泉新刷掘斥去杵臼謝飾擣况從高士論翹糜更課公田收  
秫稻一朝靈液浮瓮盎三冬浩氣生襟抱且欣輒飽得澆腸漫  
說逆沅上補腦眼碧那憂散黑花髮白故應還翠葆賈傳只嫌  
松醪陋劉墮敢誇桑落好直須五斗論解醒寧待三杯乃通道  
誰知萬里落旄人亦許匏尊自傾倒為君喚迴雪窖春八載  
羈愁供一掃

謝崔致君餉天花

三年北饌飽羶葷佳蔬頗憶南州味地菜方為九夏珍天花忽  
從五臺至崔侯胸中數千卷金甌名相傳雲裔愛山亦如謝康  
樂得此攜歸豈容易應憐使館久寂寥分餉明明見深意堆盤  
初見瑤草瘦鳴齒稍覺瓊枝脆樹鷄溼爛慚扣門桑蛾青黃漫

趨市赤城菌子立萬釘今日因君不知貴  
乖龍耳僅免一割沙門業已通三世  
偃戈息民未有術雖復加餐祇增愧  
雲山去此總不遠口腹何容更相累  
報君此詩永為好捧腹一笑萬事置  
夜雨枕上

客懷

浙浙風聲止淒淒雨氣涼  
愁工縈客思夢故遠江鄉  
書疏親朋少干戈歲月長  
平城弭節地可復見秋霜

歲序

兵氣常時見客懷何日開  
形骸病自瘦鬢髮老相催  
已負秦庭哭終朝漢節回  
風雷識我意一雨洗氛埃

白髮

歲序忽將晏節旄嗟未還  
低雲慘象木寒雨失羣  
山喪亂閑詩思謳謠發  
病顏夢魂識舊隱時到  
碧溪灣

有感

白髮使車前煙波思渺然  
霜清穫稻日風急授衣天  
客館但愁坐釣舟誰醉眠  
乘槎會有便真到斗牛邊

戰伐

容貌與年改鬢毛隨意斑  
雁邊雲度塞鳥外日銜山  
仗節功奚在捐軀志未閒  
不知垂老眼何日覩龍顏

丙辰中秋不見月

戰伐何年定悲愁是處同  
黃雲縈晚塞白露下秋空  
魚躍滾波月鳥啼落葉風  
誰知渡江夢一夜繞行宮

中秋萬里月何處駕冰輪  
底事隔年會不憐今夕人  
兔疑停杵白蟾豈避風塵  
默識嫦娥意承平賞更新

十七夜對月

病骨怯風露愁<sup>凍</sup>獸甲兵人居絕域久月向北宵明輪仄初經漢  
光分半隱城遲遲不肯下應識異鄉情

獨坐

草凍慵抽碧桃癡懶暈紅黃雲猶漢野紫塞漫春風使筦節空  
留滯侯圭未有會同堦除雪不埽獨立數歸鴻

寒食

絕域年華久衰顏淚點新每逢寒食節頻夢故鄉春草綠唯供  
恨花紅只笑人南軒定何日無地不風塵

上巳

行行春向暮猶未見花枝晦朔中原隔風煙上巳疑常令蘇節  
在莫作楚囚悲早晚鸞旂發吾歸敢恨遲

客夜

城月四更上窗風一室幽纖雲縈雁塞重霧逼貂裘兵革何年  
息乾坤此夜愁殊鄉兩行淚騷屑灑清秋

攄抱

客滯殊方久山圍絕塞深秋風入橫笛夜月傷沾襟造膝他時  
語捐軀此日心飛霜滿明鏡髮短不勝簪

重九

九日今何地寒深紫塞霜敢嫌蘆酒濁且對菊花嘗歲月雙蓬  
鬢乾坤百戰場賜莫知未舉夢自識鷓行

送春

風煙節物眼中稀三月人猶戀褚衣結就客愁雲片段喚回鄉  
夢雨霏微小桃山下花初見弱柳沙頭絮未飛把酒送春無別

語羨君纔到便成歸

次韻劉太師苦吟之什

長城五字屹逶迤可笑偏師敢出奇句補推敲未安處韻更瘵  
絮益難時癡迷竟作禽填海辛苦真成蟻度絲却羨彌明攻具  
速劉侯漫說也能詩

善長命作歲除日立春

土牛已著勸農鞭葦索仍專捕鬼權且喜春盤兼守歲莫嗟臘  
酒易經年東風漸入江梅夢朔雪猶迷塞柳天元會明朝定何  
處羈臣揮淚節旄前

寒食感懷次韻吳英叔

疾風甚雨老難禁嶺外無飭誰解吟雙鬢客塵諳世變兩眉鄉  
思儘愁侵榆錢何處迎新火杏粥頻年繫此心落日高城魂易

斷天臨牛斗五湖深

春陰

関河迢遞繞黃沙慘慘陰風塞柳斜花帶露寒無戲蝶草蓮連  
雲暗有藏鴉詩窮莫寫愁如海酒薄難將夢到家絕域東風竟  
無事祇應催我鬢邊華

寒食

清明亦到客愁邊雙鬢星星只自憐兵氣尚纏巢鳳閣節旄已  
落牧羊天紙錢灰入松楸夢餚粥香隨榆柳煙北向雁來寒霧  
隔音書不比上林傳

李任道編錄濟陽公文章與僕鄙製合為一集且以雲館

二星名之僕何人也乃使與公抗衡獨不慮公是非者紛  
紛于異日乎因作詩題于集後俾知我心者不吾過也庚



申六月丙辰江東朱弁書

絕域山川飽所經客逢歲晚任飄零詞源未得窺三峽使節何

容比二星蘿薦施松慚弱質蒹葭倚玉怪殊形齊名李杜吾安

敢千載言公有汗青濟陽公謂字文叔通少章以死自守恥用

天問絕句

穴邊酣戰君臣蟻波上羣嬉婢妾魚苦樂不同同一字問天此

理竟何如

宇文虛中

以下天水留金通籍者

字叔通成都人宋黃門侍郎以奉使見留任為翰林學士承旨呈統初上京諸俘人謀奉叔通為帥奪兵仗南奔事覺繫詔獄諸貴先被叔通嘲笑積不平必欲殺之乃鍛鍊所藏圖書為反具叔通歎曰死自吾分至于圖籍南來士大夫家例有之即如高待制士談圖書尤多於我家豈亦反邪有司承風旨并寘士談極刑人至今冤之

秋高子文秋興

沙碧平猶漲霜紅粉已多駒年驚過隙鳧影倦隨波散步雙扶

老棲身一養和羞看使者節甘荷牧人蓑按養和几名事見江湖散人集扶老見歸

去來詞

和九日

老畏年光短愁隨秋色來一持旌節出五見菊花開強忍玄猿

淚聊浮綠蟻杯不堪南向望故國又叢臺

涇王許以酒餉龍溪老人幾月不至以詩促之

先生寂莫草玄文正要侯巴作富鄰客至但須樽有酒日高不

怕甑生塵急催嶺外傳梅使來餉籬邊采菊人已埽明窗供點

筆為君擬賦洞庭春按叔通別號龍溪

從人借琴

嶧陽慣聽鳳雛鳴瀉出冷然萬籟聲已歇笙簧非雅曲幸從炊

爨脫餘生昭文不鼓緣何意靖節無絃且寄情乞與南冠囚繫  
客為君一奏變春榮

吳激

字彥高宋宰臣拭之子王履道外孫而米芾元章壻也工詩能文字字画得其婦翁筆意將命帥府以知名留之仕為翰林待制知澧州到官三日而卒有東山集十卷并樂府行于世

鷄林書事

箕子朝鮮僻蓬丘弱水寬儒風通百粵舊史記三韓邑聚居巢  
慣邨衰披髮安猶存大籩豆兼用古衣冠免穎家工縛鮭腥俗  
嗜餐騎兵腰玉具府衛挾金丸長袖鳶窺肉都場杭挂竿琴中  
蔡氏弄指下祝家彈主禮分庭抗賓筵百拜難漬橙粳釀旨滋  
桂鹿脩乾潑墨松如櫛墮牆石似丹地偏先日出天迫衆山攢  
鷄翼雲帆遠羊腸石磴盤由來異文軌休訝變暄寒事可資談

柄誰能記筆端聊將詩貌取歸作畫圖看

歲算江南

以下補錄二首故次排律之後

吳淞潮水平月上小舟橫旋砍四腮鱠未輸千里羹擣藿香不  
獸照筋雪無聲幾見秋風起空悲白髮生

長安懷古

佳氣猶能想鬱蔥雲間雙闕峙蒼龍春風十里灞陵樹曉月一  
聲長樂鐘小苑花開紅漠漠曲江波漲碧溶溶眼前疊嶂青如  
畫借問南山共幾峰

張斛

字德容漁陽人仕宋為武陵守後乃北歸官祕書省著作郎有南遊北歸等詩行于世

平安閔道中 二首

高林俯青冥柯葉森若識陽光已轉午陰嶺仍半黑崢嶸亂石

間行子有苦色臨深地勢入涉險天宇塞四顧無所投足爾去未息悵然增百憂冥冥羨歸翼

窮冬十日陰積雪千山路晴雲開半嶺落日猶在樹悠悠客心速慘慘天色暮寒鳥各有依解鞍尚無處遊魚誤銜鉤玄豹終隱霧行行謝冠冕復我林壑趣

高寺

高寺鳴鐘後孤舟落雁邊已知歸徑晚故就上方眠石峻溜聲急月高松影圓明朝下煙靄迴首阻清川

訪香林老

風雨無時浪蹴天南浮舟楫信多艱半生夢破寒江月萬里春回故國山歸客自傷青髮改高僧長共白雲閒誅茅借我溪西地未獸相從水石間

蔡松年

字伯堅父靖宗季守燕山仕金為翰林學士伯堅行臺尚書省令史出身官至尚書右丞相鎮陽別業有蕭閒堂自號蕭閒老人薨諡文簡百年以來樂府推伯堅與吳彥高號吳蔡體有集行于世

淮南道中 三首

南楚二月雨淮天如漏卮畏途泥三尺車馬真鷄棲却思閒居樂雨具無所施高枕聽簷聲爐烟暈如絲

三年鎮陽遊春歸綠扶疎櫻筍媚園林日長間枕書行復當此時涼塵暗歸筆會洗醑醺雪月波浮祕壺

鎮陽亘西南山河在圖畫花雨草煙間人家或僧舍經行每悵然真賞如未暇待予籃輿歸香火復蓮社

庚申閏月從師還自潁上對新月獨酌 二首

人言歸甚易但苦食不足必使極其求萬鐘不盈腹處世附所

安無禍即無福却視高蓋車身寵神已辱  
問舍前年秋已買潭酒西地高明鬼所瞰聊取風雨蔽瀕溪樹  
嘉水成陰十年計仍當作茅舍名之以今是

和子文寒食北潭

夢裏潭光翠欲流何時春水一虛舟吾廬想見扶疎樹宦意渾  
如浩蕩鷗聞道西山明酒面應無外物到眉頭別來誰唱驚人  
句十里珠簾有暮愁

雪晴呈玉堂諸公

雪晴松頂玉欄斑曉眼清干化鶴山欲立凍雲搜傑句却思仙  
客退清班氈毳帳底沈香火蒼菊花中碧霧鬢喚取廣寒修月  
手月波十丈捲春還

和子文晚望

醉眼郊原感慨生夕陽長向古今明高人法士互憎愛美酒空  
名誰重輕二項只謀他日老五絃猶喜晚風清因君欲賦思歸  
樂安得穿雲一笛橫

韓侯晁仲許送名酒渴心生塵以詩促之

好在銀鉸秋露光借君雲夢到枯腸解澆萬里客愁破暫吐十  
年黃卷香江水苦搖梁苑夢海棠新學漢宮粧天東四月春如  
許坐待白衣投醉鄉

高士談

字子文一字季默宋韓武昭王瓊之後宣和未任忻州戶  
曹仕金為翰林直學士皇統初預宇文太學之禍有蒙城  
集行于世

春愁曲

壓花曉露萬珠冷金井啞啞轉纖縷寶堦寂寂苔紋淡東風搖

碎湘簾影芙蓉帳暖春眠重窗外啼鶯喚新夢推枕起來嬌翠  
顰一線沈煙困金鳳游絲飛絮俱悠颺慵倚繡牀春晝長即馬  
不嘶芳草暗半篩急雨飛橫塘

將赴平陽諸公祖席分韻作

灞橋波似箭南浦草如裙此夜燈前淚他年日暮雲醉和醒一  
半悲與笑相分莫作陽關疊愁多不忍聞

秋晚書懷

肅肅霜秋晚荒荒塞日斜老松經歲葉寒菊過時花天濶愁孤  
鳥江流憫斷槎有巢相喚急獨立羨歸鴉

早起

曉起先烏鵲愁多意不眠風霜嚴塞草星月淡秋天落葉親攜  
帚墜瓶自汲泉禁門朝萬馬魂斷憶當年

風雨宿江上

風雨蕭蕭作暮寒半晴煙靄有無間殘紅一抹沈天日溼翠千  
重隔岫山短髮不羞黃葉亂寸心常羨白鷗閒濤聲午夜喧孤  
枕入瀟湘落木灣

祝簡

字廉夫單父人守未登科金初倅某州仕至朝奉郎太常  
丞兼直史館有鳴鳴集行于世其詩說有云予政和丁酉  
任洛州教官是時括蒼鮑慎由欽止出所注杜詩說天  
守太白守讀如狩于河陽之狩高秋登寒山南望馬邑州  
馬邑州在成州界予檢唐書志寶應元年徙馬邑州于鹽  
井城欽止為有據矣舊注馬邑屬雁門于杜子美作詩處  
全無闕涉後人遂謂王源叔謬于牽引不知源叔初不注  
杜詩予識其孫彥朝彥朝不說杜詩非其大父注蓋彥朝  
不學見流俗皆讀舊注因而認有可歎可歎元好問常以  
此問趙禮部趙云廉夫前輩必不妄試更考之嗣好問見  
吳彥高東山集有贈李東義詩引云元祐間杜工部對黃  
本鄧忠臣字慎思余柳氏姨之夫今世所注杜工部詩乃  
慎思平生究竭心力而為之者鏤板家標題遂以託名王  
源叔翰林兩王公前後記初無一語及此注而後記又言

如源叔之能文止作記于後則源叔不注杜詩為可見矣  
舉世雷同無為辨之者宣和近貴李東美有才藻善行書且喜作小楷所寫杜集精密適麗有足嘉賞為作古詩一篇紙尾因記鄧公事後人聞此其誰不疑然予少時目擊不可不識姑以告李侯非求信後人也彦高此說正與廉夫合近歲得浙本杜詩是源叔之孫寧所傳前有序備言其大父源叔未嘗注杜詩廉夫詩而併記之益可信矣故好問錄廉夫詩而併記之

舟次丹陽

船頭東下起晨鐘船外清霜氣暗通  
 斷雁聲歸煙靄裏孤帆影落月明中  
 隋河波浪十年急梁苑池臺一半空  
 試問碧堤無限柳敗條衰葉幾秋風

下第魚臺東寺

病眼逢花亦倦開流鶯飛去誤相猜  
多情却愛僧堂燕才得春風却再來

虛極齋獨坐

虛齋長缺短燈檠明月當窗夜氣清  
 却掩塵編時閉目牀獨坐聽秋聲

夏雨

電掣雷轟雨覆盆晚來枕簟頗宜人  
 小溝一夜水盈尺便有蛙聲喧四鄰

朱之才

字斯美洛西三鄉人于汴京崇寧間登科入齊為諫官坐直言黜為泗水令尋乞間退寓居滋陽因而家焉昆弟數人皆有文名師美自號慶霖居士有霖堂集傳于世

南越行

南越太后却鄴女皓齒明眸照蠻土  
 珊瑚為帳象作牀錦繖高張擊銅鼓  
 太液池內紅芙蓉自憐謫墮蠻煙中  
 灞陵故人杳無耗深宮獨看南飛鴻  
 隨兒作帝心不願惟願西朝柏梁殿  
 茂陵

劉郎亦可人遣郎海角來相見金猊夜燎龍涎香明珠火齊爭  
煌煌番禺秦甸隔萬里今夕得遂雙鴛鴦白首相君佩銀印干  
戈欲起蕭牆霧莫言女子無雄心置酒宮中潛結陣漢家使者  
懦且柔纖手自欲操霜矛孤鷺竟落老巢手可憐空奮韓千秋  
樓船戈鋌師四起或出桂陽下灘水越郎追斬呂嘉頭九郡同  
歸漢天子尉陀墳草幾番青霸業猶與炎州橫玉璽初從真定  
得黃屋却為邯鄲傾五羊江連湘浦竹嬌娥應伴湘娥哭

後薄薄酒

薄酒可以謀醉不必霞滋玉味麤布可以御冬不必狐貉蒙茸  
醜婦可以肥家不必楚女吳娃獨夫長夜商祚訖羲和酒滯秦  
天曆李白跌宕三百五阮籍沈滄六十日眠瓮吏部寡廉恥解  
貂常待隳法律儻使飲薄酒未見有此失秦昭孤腋幾喪首鄭

臧鷗冠胎厥咎龍喪金玦豈不哀繡衣朱襪固無取皆綠麤衣  
惡不御賈禍招譏亦何有夏姬滅兩國驪姬禍五世捧心顰眉  
亡夫差墮髻帝粧敗梁冀醜婦似可惡終不至顛沛勸君飲薄  
衣麤娶醜婦此樂人間最長久

劉著

字鵠南舒州皖城人宋宣政末登進士第歸金預銓調碌  
碌州縣年六十餘始入翰林充修撰出守武遂終于忻  
州刺史皖城有玉照鄉既老  
號玉照老人示不忘本云

枕上言懷

九土將分裂中原政擾攘孰為真漢相却憶假齊王晉室遷神  
鼎梁園作戰場可憐羈客夢夜夜在家鄉

次韻王子慎玉田道中一首兼呈韓公美閣老

東晉風流屬子猷開元峭直讓韓休絲綸對掌驚王三雋尊酒

更酬失四愁古道陰陰槐樹老歸鴻杳杳荻花秋浩然詩思天  
涯遠月滿江南小謝樓

至日

亂離南國忽經年一線愁添未死前心折靈臺候雲物眼看東  
海變桑田燕巢幕上終非計雉畜樊中政可憐安得絕雲行九  
萬却騎鯨背上青天

再和彥高

否泰由來在歲星誰聽叩角作商聲一朝漢魏成今古百口燕  
秦隔死生雉蝶僅能逃病婦雁書猶記何團兄雪雲埋盡遼西  
路有酒如淮奈此情





